



OPĆINA KAKANJ

*Služba za privredu, urbanizam
i zaštitu okoline*

Broj: 04/1- 1189 /18

Kakanj: 04.07.2018. godine

MUNICIPALITY OF KAKANJ

*Department of Economy, Urban Land-Use
Planning and Environment*

OPĆINSKO VIJEĆE

PREDMET: Informacija, dostavlja se.

Vlada FBiH je krajem juna 2018.godine Parlamentu FBiH uputila na usvajanje Prijedlog Zakona o Fondu za zaštitu okoliša i energijsku efikasnost Federacije Bosne i Hercegovine. Odredbe ovog Zakona dodatno degradiraju lokalne zajednice u kojima egzistiraju zagađivači i iste predloženim Zakonom nisu adekvatno obeštećene, što znači i znatno manja ulaganja u projekte zaštite okoliša uz ista zagađenja u narednom periodu.

Naime, članom 22. Prijedloga Zakona definisan je način raspodjele prikupljenih sredstava u omjeru 30 % na račun Fonda za zaštitu okoliša FBiH, 40 % na račun kantona i 30 % na račun općine. Osnov za raspodjelu je udio plaćene naknade na području pojedinog kantona, odnosno općine. Ovakva raspodjela u konačnici znači da će Kakanj dobiti samo 30% sredstava koja uplate zagađivači koji posluju na teritoriji općine Kakanj a 70% sredstava će dijeliti Fond za zaštitu okoliša FBiH i Ze-Do Kanton.

Općina Kakanj kao jedna od općina na čijoj teritoriji posluju Operateri koji prekomjerno zagađuju zrak odnosno koji emituju emisije i do 40 puta više od dozvoljenih, ovim načinom raspodjele sredstava neće biti u mogućnosti nastaviti sa kvalitetnim ulaganjem u projekte koji imaju za cilj smanjenje zagađenosti zraka i poboljšanja zdravlja lokalnog stanovništva.

Da apsurd bude veći, Vlada FBiH je zatražila od Parlamentu FBiH da se predloženo zakonsko rješenje razmatra po skraćenom postupku, bez javne rasprave, bez prilike da bilo ko kaže bilo šta. Podsjećamo, na sjednici Predstavničkog/Zastupničkog doma Parlamenta FBiH, održanoj 26.07.2017.godine, NIJE data saglasnost na Prijedlog zakona o Fondu zaštite okoliša i energijsku efikasnost FBiH koji se sada u neznatno izmjenjenoj formi ponovo predlaže po skraćenom postupku.

Shodno ovome Općina Kakanj je izrazila svoje nezadovoljstvo te je krajem juna 2018. godine posredstvom Saveza općina i gradova FBiH uputila primjedbe na predmetni Prijedlog Zakona o Fondu za zaštitu okoliša i energijske efikasnosti FBiH. Također napominjemo da je Općina i u junu 2017. godine posredstvom Saveza općina i gradova FBiH uputila primjedbe i tražila da isti ne bude usvojen ukoliko ne budu prihvaćene tražene izmjene.

Ova informacija daje se Općinskom vijeću na razmatranje radi zauzimanja stava i donošenja određenih zaključaka.

DOSTAVLJENO:

1. Naslovu
2. a/a

POMOĆNIK OPĆINSKOG NAČELNIKA

Mirza Fazlić

